

Goibekokale

ELGETA / Barikua / 2002ko uztailaren 24a / 107. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Goimendin gaur hasiko dira Santixau jaiak


OXEL EROSTARBE

Auzoetako jaiak aste honetan bertan hasiko dira; izan ere, gaur bertan ekingo diete jaiak Goimendi auzoan. Egun handia, hala ere, bihar izango da: auzotarrek antolatuta, egun osoan ekitaldi ugari izango dira. Hortaz, egun-pasa polita egiteko aukera.

Elgeta eta Eibar arteko bidean dagoen Goimendi auzoan jaiak ospatuko dituzte gaur eta bihar bitartean. Urtero moduan, triki-filariak eta herri kirolak ez dira falta izango.

Gaur, egubakoitza, emango diete hasiera jaiak: 21:30ean, auzoko plazan berakatz zopa banatuko dute; eta 22:30etik aurrera, Erromeria izango da, Laja eta Izer soinu jotzaileekin.

Bihar, zapatua, Santixau Eguna izango da: 11:00etan, meza egingo dute auzoko basilizan; 12:00etatik aurrera, herri kirolak izango dira. Elorriaga eta Barberena aizkolariek emango diete hasiera herri kirolei. Mintxeta eta Egi ere hantxe izango dira; herri kirolak amaitzean, Joxe Agirrerren eta J.M. Irazuren ber-



Gaur bertan hasiko dira Santixauak Goimendi auzoan.

tsoak entzuteko aukera izango da; horren ondoren, Jon Ostolazaren eta Rakel Pujanaren doinuek alaituko dituzte jaiak; 17:30ean, dantza suelto erakustaldia egin-

go dute; 18:30ean, bolo jokoa izango da; eta iluntzetik gauerdira bitartean, azkenik, Jon Ostolazarekin eta Rakel Pujanarekin dantzaldia izango da.

JAIXAK

Abuztuaren 6an, Salbadorko jaiak

O.E.

Aurtengoan ere egitarau zabala osatu dute Salbadorko auzokoei. Abuztuaren 6an, 09:00etan, arbolak igoko dute Salbadorko; 12:00etan, meza izango da bertako basilizan; eta horren ondoren, salda eta txorizoa banatuko dute. Egun osoan hango bolatokia zabalik egongo da. Aurten, lehenengo aldiz, herri txikiteoa antolatu

dute eguerdi parterako. Gardoki soinu jotzaileak alaituko du herri txikiteoa.

Arratsaldean, 17:00etan, txirrindu lasterketa izango da; horren ondoren, jolasak izango dira umeendako; eta 18:00etan, Bolo Txapelketa jokatu dute.

Gauean, 21:30ean, afaria izango da. Afalostean, Gardokik alaitutako dantzaldia izango da, goizaldera arte.



Aurten ere giro aparta egongo da Salbadorko jaietan.



Amaitu da Uda Kanpaina

Urtero moduan, partaidetza haundixa euki dau Uda Kanpaina. Guztira, 70 neska-mutikok hartu dabe parte. Multikirolan izena emondakuek kirol barrixen nundik norakuak ikasi ditue: beisbolian, zesta puntan, patinajian, Txiriki Jolasian eta holakuetan jardun dabe.

Udaleko Kirol teknikarixak esan doskunez, baloraziño positibua egin bihar da, urteroko ekintzak aurrera urten diran arren, partaidetza bestetan baiño haundi-xagua izan dalako./O.E.

LABUR

Zenbaki bakoitia duten Salbadorko etxebizitzetako fatxadak berritzeko aukera

Udalaren deiarri erantzunez, Salbadorko kaleko zenbait bizilagunek interesa azaldu dute etxebizitzetako fatxadak konpontzeko. Udala ikerketa bat egiten ari da, zenbaki bakoitia duten etxebizitzetako fatxadak zelan dauden jakiteko. Aurrerantzean egin behar diren konponketak egiterakoan jarraitu beharko diren oinarriak finkatzea da asmoa. Hala, zein material eta margo erabili beharko diren edo igogailua nondik joan beharko den zehaztuko dute.

Uztailaren 22tik abuztuaren 31ra arte ez da Elgeta eta Eibar arteko autobusik egongo

Oporrak direla-eta, uztailaren 22a eta abuztuaren 31 artean ez da Eibar eta Elgeta arteko autobusik egongo.

Udaleko zerbitzuei dagokienez, liburutegia eta kiroldegia itxita egongo dira abuztuan. Abuztuaren 5era arte Udaletxeko jarduerak berdin jarraituko du.

Bestalde, medikuaren kontsultak ez du zerbitzurik etengo.

ELKARRIZKETA

KOLDO EROSTARBE/GERNIKAKO JOKALARIXA

“Bigarren B maillan jokatzeko jarraitzea aukera onena da neretzat”

O.E.
Datorren denboraldixan Gernikan jokatu da Koldo Erostarbek. 21 urteko elgetarrandako hau denboraldiau bigarrena izango da 2. B maillan. Aurreko astian ekin zotsan Gernikako ibilbi-diari Koldok.

Iazko denboraldixan Eibar B taldian egon zian; azkenian, ezin maillari eutsi.

Talde gogorra tokau jakun. Ligako lehenengo zatixan emaitza onak lortu giñuzen arren, bigarren zatixan ez giñan horren ondo ibilli. Ezin izan gontzan maillari eutsi, pena haundixa izan zan.

Lehenengo urtia izateko partidu dexente jokatu ziñuzen. Ze moduz moldau ziñan mailla barrira?

Bigarren B mailla gogorra da, gure taldian izen haundiko klubak zeren: Barca B, Lleida, Logroñes eta Zaragoza B taldien aurka jokatu giñuan, adibidez. Lehen urtia zan arren, maillari nahiko ondo moldau nintzala esango neuke. Eta dexente jokatu neban. Eibarrekin urtebeteko kontratua daukazu arren, Gernikan jokatu dozu datorren denboraldixan.

Bai, danondako aukera onena izan da. Bi klubak ados jarri dira neu hara lagata juateko. Neretako be 3. maillan jokatzia baiño hobia da 2. B maillan jokatzia.


Entrenatzen be hasi zarie. Ze moduz talde barrixan?

Ondo. Talde gaztia daukagu arren, gauza polittak egiten saiatuko gara. Maillari eustia da gure lehenengo helburua, eta hortik aurrera datorrenari, ondo etorri!

Taldian lekutxo bat egittia be garrantzitsua izango da?

Danon helburua da jokatzia eta beti izaten da zailla postuakin egittia. Neu jokatzeko eta disfrutatzen ahaleginduko naiz. Bigarren B maillan egonda, gertu ala urrin ikusten da gora salto egittia?

Bigarren B maillatik gertuago ikusten dan arren, zailla da gorago egittia. Suerte haundixa euki bihar dala esango neuke.



O.E.



Arineketanek irabazi zuen

Zapatuan, hilaren 20an, Aretu Futbol Txapelketako finala jokatu zuten Arineketanek eta Txapelak. Lehenengo zatian Txapela 4-1 aurreratu zen, baina bigarren zatian arrasatearrek erreakzionatu egin zuten eta irabazi egin zuten: 8-5. Golegileei dagokienez, Haritz Gallastegi izan da gol gehien egin dituen jokalaria./O.E.



Iñigo Urretxua izan zen azkarrena

Domekan, hilaren 21ean, XVIII. Euskadiko Mendiko Txirrindularitza lasterketa jokatu zen. Guztira, 54 txirrindularik amaitu zuten lasterketa. Elgetako helmugara heltzen aurrena Olarra-Consultec taldeko Iñigo Urretxua izan zen. Xabier Aranguren elgetarrak 30. postuan amaitu zuen lasterketa. Jende ugari batu zen Elgetako helmugan lasterketa ikusteko./O.E.

LABUR

Jone Muxika, 15. Espainiako Txapelketan

Zapatuan, Leongo San Isidro herrian izan zen Espainiako Txapelketan 15. postuan amaitu zuen Jone Muxikak. Lortutako emaitzarekin oso gustura dago elgetarra.

Mikel Elkoro eta Inaxio Gallastegi pala txapelkun

Debagoieneko Pala Txapelketako finala jokatu zen zapatu goizean Elgetako frontoian. Mikel Elkoro eta Inaxio Gallastegi elgetarrek Jaime Acedo eta Xabier Aranburu bergararrak izan zituzten aurkari. Lau pilotariek maila bikaina erakutsi zuten finalan. Azkenean, elgetarrek irabazi zuten: 35-13.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea



- Solariuma
- Drenaje linfatikoa
- Algekin eginiko estalkia

Dei ezazu 646 50 00 29 telefonora ordua eskatzeko

JAR EZAZU
HEMEN
ZURE
PUBLIZITATEA

Goibekokale

BOLATOKI
taberna·jatetxea



- Astean zehar eguneko menua
- Asteburuetan menu bereziak eta sagardotegiko menua
- Pintxoak, ogitartekoak eta errazioak

Artetale 2, Elgeta. 943 76 82 84

ERRETRATUZAHARRA

Pertxako gaztetxo futbol taldea, 1982

Ipintzako Futbol Txapelketa amaitu dela-eta, garai baten Seminarioan izaten zen txapelketa argazki bat dakarzkizuegu oraingo astean. Argazkiko mutilek Pertxa taldea osatzen zuten eta alebin mailan aritzen ziren orduan. Erretratu 1982. urteko udaberrian ateratakoa da eta mutilek 13 urte izango zituzten orduan. Lagun-koadrilek Pazkoetan erabiltzen zuten brusa futboleko jokatzeko ere jantzen zuten, txapelketa finalak jaietan izaten ziren-eta.

Hara hor zeintzuk diren argazkikoak, ezkerretik eskumara:

Zutik: Jon Zabala, Kepa Egaña, Jagoba Larrañaga, Ibon Odriozola, Iker Beistegi, Andoni Sagastume, Mikel Lazkano, Xabier Arregi eta Manu Díaz.

Makurtuta: Asier Altuna *Kixi*, Iker Muruamendiaraz, Aitor Salaberria, Josu Arana, Xabier Garamendi, Aitor Bolinaga eta Markel Goenaga.

Argazkia: Pedro José Eguren



ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

Bergarako Epaitegiko fatxada

Epaitegia, kartzela eta Udal Eskola biltzen zituen eraikina 1860ko hamarkadan eraikitzen hasi ziren. XIX. mendean, Justizia Administrazioa berrantolatu zen eta partidu judizialak sortu ziren, Bergarako Gipuzkoako buruetako bat zen. Canovas del Castillo hil zuen Angiolillo anarkista 1897ko abuztuaren 15ean exekutatu zuten herriko kartzelan.



8 Juzgado y Carceres de BERGARA

≈ 1915

Ariznoa plaza San Pedro plaza genuen XIX. mendean. XX. mendearen hasierako argazki honetan gurdiak ikus daitezke.



2002

Carlos Uriarte arkitektoak egin zuen eraikineren proiektua. Goiko aldeko Doña Justa eskultura Martzial Agirre bergararrarena da.



zumelaga
JATETXEA

60 urte zuen zerbitzura!


San Antonio 5. BERGARA. 943 76 20 21

**Aldoka
Maldoka**

TABERNA

Kruz Gallastegi
BERGARA

ZABALA
JATETXEA • OSTATUA



Labegaraieta, Ibarra 14
BERGARA.
Tf. 943 76 20 07 - 76 42 57

1929az geroztik zure zerbitzura



Bitartean, GOITB.

Uztailean, programazio berezia.

ASTELEHENETAN

- 20:30: Goienasport

MARTITZENETAN

- 20:30: Xeleberri jaietan

EGUÁZTENETAN

- 20:30: Programa berezia

EGUENETAN


- 20:30: Iparrorratza

EGUBAKOITZETAN

- 20:30: Musika kontzertuak

Egunero

- 14:00 / 20:00 / 21:30: Berriak



Alga perfumeria
Amaia perfumeria
Galarreta oinetakoak
Gracian mertzeria
Igarza mertzeria

BEHERAPENAK